

Акафист преподобней Мѣрфе Дивеевской

Кондак 1

Избрѣннице Царя Небѣснаго, преподобней матери нашей Мѣрфе, в бѣдахъ и скорбехъ скорой помощнице благодарственное пѣние приносим. Ты же, имущая предстательство предъ Господемъ, молися о насъ, любовьи тебѣ зовущихъ: Радуйся, преподобная матери наша Мѣрфо, молитвами своими обитель Дивеевскую не оставляющая.

Икос 1

Ангели на небесѣхъ радовахуся, видяще добродѣтельное житиѣ твоѣ, преподобная матери Мѣрфо: явилася бо еси воистину искательница Небѣснаго Бисера, Иисуса Христа. Мы же, зряще подвиги и труды твои, благодарственно воспоемъ ти такую:

Радуйся, плоды Духа Святаго в себѣ стяжавшая;

радуйся, к тихому пристанищу насъ направляющая.

Радуйся, окамененная сердца наша во умилѣние приводящая;

радуйся, посреде скорбей дивный покой намъ посылающая.

Радуйся, от нечаянныя смерти насъ ограждающая;

радуйся, от козней диавольскихъ насъ заступающая.

Радуйся, из пучины греховъ насъ изводящая;

радуйся, ко престолу Господню сердца наша возносящая.

Радуйся, преподобная матери наша Мѣрфо, молитвами своими обитель Дивеевскую не оставляющая.

Кондак 2

Виде Владыка Небесъ души твои доброту, яко уподобилася еси мудрымъ девамъ, всякую сладость и славу земную презрѣвши. И мы вси, имуще такую

предстательницу о нас недостойных, прославляем прославльшаго тя Господа и поём Ему: Аллилуиа.

Икос 2

Разум Небесный тебе даровася, матери Марфо, егда послушала еси гласа Божия и, шедши с сестрою твою в пустынь Саровскую, старца Серафима достигла еси. Темже ублажающе тя взываем сице:

Радуйся, измлада в познании Бога дивно умудрившаяся;

радуйся, аки елень ко источнику благодати Божия устремившаяся.

Радуйся, ангельское житие нам являющая;

радуйся, в страхе Божиим нас наставляющая.

Радуйся, в терпении и смирении своем Христу Богу подражавшая;

радуйся, о прощении грехов слезы проливавшая.

Радуйся, вся плотския похоти Бога ради умертвившая;

радуйся, многи козни лукаваго победившая.

Радуйся, преподобная матери наша Марфо, молитвами своими обитель Дивеевскую не оставляющая.

Кондак 3

Сила Вышняго осени Серафима преподобнаго, егда благослови на иноческое житие пришедшую к нему мать нашу Марфу. Мы же, дивящися таковой Премудрости Божией, вопиём Христу Богу: Аллилуиа.

Икос 3

Имуще обитель Дивеевская превеликое сокровище, вседрагия мочи твоя, преподобная матери Марфо, ликует, и мы о сем радости исполняемся и с любовью воспеваем тебе таковая:

Радуйся, из пучины отчаяния нас извлекающая;

ра́дуйся, во страда́ниях Бо́га хвалі́ти науча́ющая.
Ра́дуйся, мглу сомне́ний на́ших разсеява́ющая;
ра́дуйся, изнемога́ющія сі́лы на́ша на бо́дрость
прелага́ющая.

Ра́дуйся, от тесноты́ земны́я горé ны возно́сящая;

ра́дуйся, ми́лости у Го́спода нам прося́щая.

Ра́дуйся, ду́ши на́ша от вся́кия скве́рны охраня́ющая;

ра́дуйся, в Небе́сном гра́де нас предва́ряющая.

Ра́дуйся, преподо́бная ма́ти на́ша Ма́рфо, моли́твами
сво́ими оби́тель Дивеевскую не оставля́ющая.

Кондак 4

Бу́рю помышле́ний претерпе́вши и диа́вольскія сі́лы
победи́вши, преподо́бная ма́ти Ма́рфо, пришла́ еси́ в
приста́нице тихое и безмяте́жное, иде́же пое́ши со все́ми
а́нгельскими́ сі́лами хвалу́ Бо́гови: Аллилу́иа.

Икос 4

Слы́шахом о тебе́, ма́ти Ма́рфо, яко́ дивно́ от мирскія́
суе́ты к мона́шескому́ по́двигу призванá бе, и ещѐ ю́на
су́щии отвѣрглася еси́ во́ли свое́я, и в зна́мение отсече́ния
ея́ постри́гла еси́ власы́ главы́ свое́я. Сие́ у́бо
произво́ление похваля́юще, воспева́ем ти такова́я:

Ра́дуйся, благо́е и́го Христо́во на себѣ́ возложившая;

ра́дуйся, ду́ши на́ша све́том ве́ры просвети́вшая.

Ра́дуйся, нас во страда́ниях душе́вных
подкрепля́ющая;

ра́дуйся, нас красотóю любве́ украша́ющая.

Ра́дуйся, Бо́гом на Небеси́ и на земли́ просла́вленная;

ра́дуйся, вене́ц сла́вы и бога́тство нетле́нныя
при́мшая.

Ра́дуйся, от суе́ты мирскія́ нас огражда́ющая;

ра́дуйся, незло́бие и крото́сть в сердца́ наша
вселя́ющая.

Ра́дуйся, преподо́бная ма́ти наша Ма́рфо, моли́твами
свои́ми оби́тель Дивеевскую не оставля́ющая.

Кондак 5

Богото́чныя струи́ произлива́ются тобо́ю, ма́ти наша
Ма́рфо, всем бо се́рдцем прилепи́лася еси́ ко еди́ному
Ве́чному Животу́ и Красоте́ неизрече́нной, Иису́су
Христу́, пою́щи Ему́: Аллилу́иа.

Икос 5

Ви́деша сестры́ тво́я, преподо́бная ма́ти Ма́рфо, я́ко
чу́до пресла́вное сотвори́ с тобо́ю Госпо́дь: чрез
служи́теля бо Своего́ Серафи́ма сподо́би тя ве́дети ве́лия
обетова́ния, я́же о сла́ве Дивеевстей. Сего́ ра́ди тебе́,
вели́цей уго́днице Бо́жией, взыва́ем си́це:

Ра́дуйся, соверше́нства А́нгельскаго во о́трочестве
достиѓшая;

ра́дуйся, за́поведи преподо́бнаго николи́же
преступи́вшая.

Ра́дуйся, а́гнице Христо́ва, на земли́ благоче́стно
пожи́вшая;

ра́дуйся, ю́ности и красото́й свое́й не пощади́вшая.

Ра́дуйся, послуша́нию нас науча́ющая;

ра́дуйся, целому́дрие и чистоту́ восхваля́ющая.

Ра́дуйся, к желáний Кра́ю прише́дшая;

ра́дуйся, возлю́бленнаго Спа́са и Го́спода узрэвшая.

Ра́дуйся, преподо́бная ма́ти наша Ма́рфо, моли́твами
свои́ми оби́тель Дивеевскую не оставля́ющая.

Кондак 6

Пропове́дует оби́тель Дивеевская ско́рое заступле́ние
и предста́тельство твоё́ пред Го́сподем. Ты же, я́ко

улучившая дерзновение ко Владыце, не забуди ны, земная чада твоя, вопиющая Богу: Аллилуиа.

Икос 6

Воссия, яко красная заря, прехождение твоё, матери Марфо, от земли на Небо. Сподобилася еси получи́ти милости от Господа и Пречистой Матере Его в Небесных обителях. Сему Божию о тебе благоволению дивящися, воспеваем сие:

Радуйся, Честнейшая Богородицы похваление,
радуйся, образе истиннаго смирения.
Радуйся, великая наставнице терпения;
радуйся, любящим и чтущим тя ходатаице спасения.
Радуйся, честное Христово избрание;
радуйся, непорочное Богу благоухание.
Радуйся, боголюбивых душ увеселение;
радуйся, обители Дивеевския щите и ограждение.

Радуйся, преподобная матери наша Марфо, молитвами своими обитель Дивеевскую не оставляющая.

Кондак 7

Яви человеколюбец Господь молитвенницу обители Дивеевския ты, преподобная матери Марфо, да вси сохраняеми предстательством твоим воззовут Господеви: Аллилуиа.

Икос 7

Новое чудо поведа о тебе, матери Марфо, преподобный Серафим всем приходящим к нему во дни кончины твоея; рече бо, яко многих грехов избавятся припадающие ко гробу твоему и зовущии тебе таковая:

Радуйся, от юности Богу послужившая;
радуйся, на земли благочестно пожившая.
Радуйся, ко вратом жизни вечныя нас приводящая;

ра́дуйся, во Ца́рствии Небе́сном пребыва́ющая.
Ра́дуйся, я́ко тобо́ю сла́дости духо́вныя насыща́емся;
ра́дуйся, я́ко моли́твою твоёю укрепля́емся.
Ра́дуйся, оби́льно исцелёния источа́ющая;
ра́дуйся, моли́тиса приле́жно нас призыва́ющая.

Ра́дуйся, преподо́бная ма́ти на́ша Ма́рфо, моли́твами
свои́ми оби́тель Дивеевскую не оставля́ющая.

Кондак 8

Стра́нствие земно́е сконча́вши, вознесла́ся еси́, а́ки
чи́стая голу́бца, в невестник Христо́в, иде́же поёши со
все́ми послужившими Бо́гу хвале́бную песнь: Аллилу́иа.

Икос 8

Вся и́нокени возра́довашася, егда́ А́нгели прия́ша
честну́ю ду́шу твою́, преподо́бная ма́ти Ма́рфо, и
вознесо́ша ю́ во оби́тели го́рния, иде́же ны́не предсто́иши
Пресвяте́й Трои́це. Мы же, дивя́щеся человеколю́бию
Бо́жию, вопие́м ти тако́вая:

Ра́дуйся, гла́су Божество́нныя благода́ти приле́жно
внима́вшая;

ра́дуйся, сла́дкий мед и́стины и спасёния взыска́вшая.

Ра́дуйся, всю сла́ву земну́ю попра́вшая;

ра́дуйся, дух твой горе́ возносившая.

Ра́дуйся, в пресве́тлый черто́г Жениха́ твоего́
вше́дшая;

ра́дуйся, вене́ц воздая́ния приёмшая.

Ра́дуйся, Христо́вою любóвию уязвлённая;

ра́дуйся, в бра́чную оде́жду облечённая.

Ра́дуйся, преподо́бная ма́ти на́ша Ма́рфо, моли́твами
свои́ми оби́тель Дивеевскую не оставля́ющая.

Кондак 9

А́нгели на Небеси́ и челове́цы на землі́ вкúпе
возра́довахуся о́ обрете́нии честны́х моще́й твои́х,
преподо́бная ма́ти Ма́рфо. Мы же, ны́не благода́ряще
Го́спода, я́ко дарова́ нам засту́пницу и моли́твенницу
блага́ю, вопие́м Ему́: Аллилу́иа.

Икос 9

Ве́тии многовеща́ннии не возмо́гут досто́йно
изобрази́ти вели́чие благодея́ний Бо́жиих, угото́ванных
во Ца́рствии Небе́сном всем лю́бящим Го́спода. Мы же,
ма́ти Ма́рфо, я́ко соприча́стнице ра́дости
неоскудева́емая, во умиле́нии се́рдца взыва́ем ти си́це:

Ра́дуйся, на жити́е вре́менное, я́ко на страна́стие,
взира́вшая;

ра́дуйся, ино́ческаго чи́на измла́да иска́вшая.

Ра́дуйся, а́нгельски в рай вознесе́нная;

ра́дуйся, Го́сподом благослове́нная.

Ра́дуйся, все́светлаго Ца́рства Христо́ва насле́днице;

ра́дуйся, безплотных чино́в собесе́днице.

Ра́дуйся, сла́дость Небе́сную во ве́ки вкуша́ющая;

ра́дуйся, те́плою моли́твою се́рдца на́ша согрева́ющая.

Ра́дуйся, преподо́бная ма́ти на́ша Ма́рфо, моли́твами
свои́ми оби́тель Дивее́вскую не оставля́ющая.

Кондак 10

Спасти́ся хотя́щи душам на́шим, ма́ти Ма́рфо,
мо́лиши непреста́нно ми́лостиваго Го́спода, да не лишит
нас насле́дия Небе́снаго Ца́рствия Своего́, пою́щих Ему́:
Аллилу́иа.

Икос 10

Кре́пость необори́мая к тебе́ прибега́ющих была́ еси́,
ма́ти Ма́рфо. Буди́ и ны́не нам защи́тница от вся́ких

навѣтов вражих, скорая же помощница в нѣждах и скорбех, да любовьию зовѣм ти таковая:

Радуйся, Христа даже до смерти возлюбившая:

радуйся, твердую веру в промысл Божий явившая.

Радуйся, несомненную надежду на милосердие Господне показавшая;

радуйся, нелицемерною любовью нас объявшая.

Радуйся, помраченное око душ наших просвещающая;

радуйся, в добрых делах нас мудро наставляющая.

Радуйся, милости просящим подающая;

радуйся, путь к Небесі нам указующая.

Радуйся, преподобная мати наша Марфо, молитвами своими обитель Дивеевскую не оставляющая.

Кондак 11

Пѣние всеумиленное приносим ти, преподобная мати Марфо, пред [ракою мощей и] святым образом твоим предстояще и молящися прилежно. Да укрепит Господь веру православную во Отечестве нашем и искоренит в нем вся ереси и расколы; да вси людие едиными усты и единым сердцем славят Бога, поюще Ему: Аллилуиа.

Икос 11

Светозарно светило буди нам, мати наша Марфо, путеводящи от земли на Небо, да возможем и мы в житий нашем прославляти Великое и Славное Имя Пресвятыя Троицы и воспевати тебе сїце:

Радуйся, спасительнаго безмолвия любительнице;

радуйся, совершеннаго терпѣния хранительнице.

Радуйся, вольныя нищеты крест приемшая;

радуйся, постом и бдением Богу угодившая.

Радуйся, путь правый в Царствие Небесное нам указующая;

ра́дуйся, духо́вную му́дрость нам да́рующая.

Ра́дуйся, к Бо́гу все́ю душе́ю прилепля́тися науча́ющая;

Ра́дуйся, друг дру́га любя́ти нас призы́вающая.

Ра́дуйся, преподо́бная ма́ти на́ша Ма́рфо, моли́твами сво́ими оби́тель Дивеевскую не оставля́ющая.

Кондак 12

Благода́ть и ми́лость испроси́ нам у Бо́га, ма́ти преподо́бная, вразумля́ющую и укрепля́ющую нас в де́ле спасе́ния, да не беспло́дны яви́мся в час суда́ Бо́жия, пою́ще: Аллилу́иа.

Икос 12

Пою́ще и сла́вяще предивное прославление твоё, ублажа́ем тя, преподо́бная ма́ти Ма́рфо, я́ко тёплую моли́твенницу о нас пред Го́сподем, и с любóвию возглаша́ем ти такова́я:

Ра́дуйся, благода́тию Пресвята́го Ду́ха приосене́нная;
ра́дуйся, во оде́жду нетле́ния облече́нная.

Ра́дуйся, немеркнущим све́том ду́ши на́ша озаря́ющая;
ра́дуйся, на добродéлание нас наста́вляющая.

Ра́дуйся, Еди́наго Го́спода во вся дни живото́а свое́го иска́вшая;

ра́дуйся, в Нем намере́ния полага́вшая.

Ра́дуйся, оби́тель Богома́тернюю возлюбившая;

ра́дуйся, да́же до конца́ в ней пожившая.

Ра́дуйся, преподо́бная ма́ти на́ша Ма́рфо, моли́твами сво́ими оби́тель Дивеевскую не оставля́ющая.

Кондак 13

О, прехва́льная и пресла́вная преподо́бная ма́ти на́ша Ма́рфо! Приими́ ми́лостивно от нас си́е ма́лое молéние, в похвалу́ тебе́ приносимое, и, предстоя́щи ны́не Престо́лу

Царя царствующих, моли всеблагаго Бога пробавити милость свою на ны и на роды родов наших, утвердити ны в правове́рии и благоче́стии, да воспева́ем Ему́ чи́стым се́рдцем: Аллилу́иа. [Трижды]

Молитва

О, богому́драя и дивная отрокови́це, сосúde Благода́ти Бо́жия, в простоте́ голу́биной пожившая, крото́стию небе́сною, чи́стото́ю и послуша́нием просия́вшая, сотайннице́ преподо́бнаго Серафа́има, нача́льнице Дивеевских сесте́р в оби́телях Небе́сных, госпоже́ и ма́ти на́ша Ма́рфо! Буди лю́бящим и чту́щим тя ходата́ица спасе́ния, в стра́се Бо́жием нас утверди́, да го́рняя му́дрствуем, а не земна́я, изнемога́ющия си́лы на́ша на бо́дрость премене́й, в любви́ и единомы́слии укрепí и помяни́ нас, грешных, у Престо́ла Бо́жия во Ца́рствии Небе́сном. Ами́нь.